


渾源州續志

卷



渾源州續志卷九

藝文上

2

(2474)

山西圖書館
地方文獻

• 01287

渾源州續志

調署渾源州知州豫章賀澍恩纂修

藝文上

文章根柢經術經術深則其旨遠其辭文觀古人專
言必皆有爲而作舊志所錄揚篇鉅製情亦不多
其有紀述本末事關興修義取表揚及水旱災祲諸
變異志載連年者悉備而錄之俾資採擇若夫流傳
景物紀勝詠懷篇什既繁且數見不鮮有概從前志
論者諒焉藝文

創修東壇誌

嚴虞雲

國以社稷爲主自京都以及直隸郡邑皆有祀每歲春秋二仲上戊舉行先期致齊三日祭之日朝服將廟不屋而壇邊豆十二儀亞於

圓丘方澤其重也如此余自筮仕以來未嘗與祭省垣瞻其規模制度所過郡邑大率壇之外線以周垣而已有司官奉行故事既無幽深穆遠之思而士庶老幼觀者咸曰此官祭也一任垣頽地傾草封沙埋漠然不以動於心蓋古制之不達於俗久矣辛卯六月余莅

任渾源七月奉朝入關越明年壬辰始親祀事見廡市環雜之中遺址僅存雖因生齒日繁民居漸逼所致而猥褻實甚何以妥明神蹟歟悵惺惺流邑變既終事立進執事者而告之越日更商諸州之紳士耆老咸有湯邑於是謀所以新之改木於地東極東極厥地與廟厥位高明厥壤惟黃厥材孔夏地雖險峻舊屋木泮泮思凡建正殿三東西配房六門棧棧墻墻四十七丈當中爲壇廣狹高卑舉以法植松三垂五株又於東側墻置一院爲屋三井一池後墻墻

畝令道士自耕之又撥給官地三十七畝創守之規
粗備於是而知州人之可與爲善也發謀之始二
陳於義奮然爲之繼切切然虞其事之不終方期
以明春州之人見余辭之誠色之毅也震動恪恭奔
走恐後及至秋則已藏主有殿潔粢有廚致齊有房
陳牲之具灌燎之器靡不備舉於茲十年矣所植之
松已高出牆外對越之際巍然蔚然蕭燎炳然縹緲
鬱葱中儼然有見而士庶老幼觀者亦莫不灑然動
竦然敬觀民心之易感益信古制之無難復也矣

重修南壇記

陳灝

渾源舊有

尤農壇在城南里許歲久傾圯埽壇行事乾隆辛卯吾友
澹園嚴公來守是州以保赤之誠奏成民之效不三
三年庶務畢舉百廢俱興尤於祀事首兢兢焉相其
緩急次第更新旣建

社稷壇於城東又建厲壇於城北遂以丙申年於城南並
封兩壇東以祀

先農西以祀

風雲雷雨山川城隍之神區其中而統以一垣周圍七十丈五尺總計藏主之室更衣之亭併構別院共爲屋一十四間植松二十八株選道士勤慎者每年給租十石五斗又撥給官地五十六畝以資衣食令朝夕埽除焉致其潔清常如莅事時夫州縣設立壇墀原以爲民春祈秋報俾得常沐雨暘時若歲獲豐穰爲民司牧自應致慎致愨以無貽怨恫然所謂致慎致愨者其非徒春秋期會奉行故事之謂蓋必登其壇踐其位優見愾聞實若有臨之在上質之在旁者然後奉牲以告奉盛以告庶幾來格而來享余以備計赴都便道訪舊公遂延掌恒麓書院嘗一再遊其地覽其規模曠如奧如冷然灑然當其未祭而神恍於是乎棲豈有當其祭而神不於是乎格者於以見公之盡心於民者懇以摯故其致力於神者誠且敬如此也抑聞之居民云塞外氣候與中土迥殊曠遲寒早雨少風多自吾侯之來每旬餘不雨卽遍走羣望焦勞祈禱輒輒靈應比年以來風雨恒不愆候寒暄較異曩時是以年常順成鄰壤之民無不爲吾侯稱

慶者噫倘所謂至誠感神者非耶爰爲之記云

蔣重勳

我

朝以文教治天下薄海內外莫不嚮風渾源雖僻在塞外北嶽鍾靈當有傑士崛起其間而科目鮮少豈文人之盛衰以雁門一關限南北歟抑教化之興替司是土者不得辭其責歟辛卯歲沔陽嚴公慶雲來守是邦思所以振作而興起之公辛未進士學問淵邃而禮賢重士本之天性不假矯飾由是士氣奮興而文風亦蒸蒸日上矣惟是一行作吏轉徙靡常苟經制未足垂遺又安知此邦人士其常能振厲不懈否也公念之熟因復率先倡導延州之紳士籌畫而經理之爲久道化成計卜地於城東郊創建書院諸紳士亦踴躍樂輸共捐銀四千九百兩有奇庀材鳩工自門堂廊室以及東西兩院凡爲屋五十六間築甍井甕靡不畢具兼以周垣不期年而工竣規模宏嚴結構精良使諸生得棲息紆誦於其中并以餘貲二千六百兩付商濟息以供山長養廉諸生膏沐之需

復申諸上憲以垂永久要於漸漬薰陶人文蔚興
後已於此見公之爲多士謀仰副

聖天子作人之雅化者爲深且遠也多士其可以一科一
甲稱閭里榮爲不負川嶽之鍾靈已哉己亥歲公以
政績卓薦而余適承乏是邦諸紳士請作文以記余
愧不文懼未足以揚公之徽而又無詞以卻諸君之
請爰直書其實如右

重修廟學記

黃照

州縣立學始於宋潭源乃金西京近畿地升縣爲州
非宋有也廟學之詳無可考然志稱素王廟貌遠及
金季僅存靈光一殿是亦立廟矣元明以來屢有增
建悉仍其舊區而地近塞垣有干戈擾攘之患學校
雖修猶多缺略

六朝文教誕敷中外一家凡在藩服靡不輸心向化邊
徼之民目不睹兵革者百五十餘年矣德意涵濡文
明日啟廟學之制亦視往時爲備顧地多寒風石易
卽欲愬余以乾隆甲辰承乏此邦見廟已殘校場
亦未盡善思易而完之以費鉅未敢易言每履其地

心恒惕然丁未孟春乃集州人士告之眾咸曰
侯某公某公籌之數矣今之殘缺甚於前不可
遂發憤爲之廟之地形前高後低乃將大成殿及兩
廡戟門增高其址又自戟門以外掘地使低三尺餘
堂階始肅櫺星門西畔舊爲民舍名宦鄉賢之祀在
崇聖祠東西序至是乃構屋拓地而正其位由是履
其庭而廓然升其堂而軒然翼然是年八月廟成丹
雘輝煌乃奉先聖先賢而祀焉又二年復有事於崇
聖祠明倫堂尊經閣及進德修業兩齋儒學兩署胥
廣其基而大之再二年竣事而學亦成矣前後計士
民捐錢伍百肆拾伍萬用良瓦堅甍伍拾壹萬每千
伍百役人工積至壹萬八千陸百捌拾有柒眾不以
爲勞且費私相喜而語曰吾州廟學壯備如此殆可
匹於大邦乎嗚呼是可以觀聖道之大而驗人心之
從善也雖然立廟與學之本意則更有在學之有廟
以師聖也聖人之道博而難名聖人之學密而難究
而其大要不外義利二端而已故孔子曰君君臣臣
義小人喻於利孟子曰華華爲善者舜之徒

利者蹠之徒夫善卽義也今人苟惟利是趨動念不顧其他充其錮蔽之心將至棄父母而不養薄兄弟而相戕者有之矣其悖聖也不旣遠乎人誠以義爲尙隨事求其無拂極其念慮之純將舉一身之義可型於家推一家之義可化於鄉也無難矣其學聖也不亦近乎人不能皆聖而名爲士者不可或諉聖不能強人而存於心者未嘗或息背而馳焉弗思甚矣顧或曰邊鄙之人惟食是務未可以聖賢之道責之是又不然世祿之家貪或過於匹夫窮餓之子節或高於軒冕王道先富而後教蓋擴其所固有非益其所本無也要在識其端而推廣之耳廟學教基也吾故於其始成著是說以與州之士交相勗幸不以爲迂而不足聞也相與砥廉隅之操成墓官之彥以應國家詩書禮樂之選規拔茅連茹之象豈不偉哉是爲記

重修廟學記

杜大賓

渾源廟學墻垣傾圯費棟剝蝕者何日金元以來代遠年湮也乾隆歲次甲辰閩海董公來守是邦不

舉修者何曰下車伊始治理弗遑未信而勞績以爲厲也甲辰不修而丁未始修者何曰政和人安士民悅服故一議而事定一舉而眾從也工竣告成黃公已有記矣而余復記者何曰廟之制學之義公悉言之而公之敏公之信公之惠與勤敬與誠公不自言也廟學功程重大前歷任諸公皆觀望而不敢爲公獨毅然爲之此公之敏也捐銀百有餘兩以身率作此公之信也舉督工者二十餘人恐日久生怠分爲三班五日一周常餽酒食以厚其儀此公之惠也城鄉捐銀五千餘兩而路遠人眾傳凌尤難公設法催收不時查察赴學驗看此公之勤也聖殿兩廡名宦鄉賢神位一切牌匾皆公薰沐手書此公之敬也丁未迄壬子六載經營始終不倦卒無廢事此公之誠也凡此皆公不自言者公不自言而余言之非諛也余之意則更有在也事不思其無始而患其無終使見者不傳作者之實則繼者不知作者之艱願後之宰斯郡莅斯學者思其艱勿視爲易也以時慎守勿墮踐毋廢事也願士民之循斯期入斯學者莫責焉

之碑記動惕厲之真心宜自勉毋自棄也此余之意
也是以記也

養正書塾記

黃照

邊塞居氓少詩書之澤鮮能識字余疇昔爲榆林令
於雙山保甯二堡各立義學一處以教鄉之童穉及
來渾郡風土類榆林亦不尙詩書乾隆己亥州守嚴
君慶雲於東門外建步雲書院規模宏壯師生修膳
膏火皆有常貲士藏修息遊之具備矣甲辰三月余
承乏茲土見蒙童猶多不識字聞舊時州牧桂君啟
順曾設義學捐廉以供館束旋亦荒廢亟思復之慮
無經費難以垂久捐貲營息亦虞侵耗乃節畜俸廉
次第購附郭田五十七畝計費白金三百四十七兩
歲得租京斗三十石六斗以二十四石爲館師修儀
餘備納糧等費用於署前東偏官房計十六間修治
完固設養正書塾詳明立案俾州童蒙有願學無力
延師者許入塾讀書定額不得過三十名資糧異能
文者則拔入書院肄業亦論秀書升之遺意也春誦
夏絃之澤基於此矣州雖遠僻豈可不教哉因設

額具載詳冊契券存案既竣事余適遷京職因記其
略如此

重修恒嶽行宮記

宣 祐

五嶽各峙一方而乾坤之位以定有奠安之象焉有
利澤之施焉記曰五嶽視三公蓋隆其祀之之禮也
恒嶽在渾源城南十里而近前代皆祭於曲陽相傳
虞帝北巡遇雪嶽有石飛於此故祀焉其說近誕嘗
考郡志北魏都平城卽今之大同金又謂之西京改
渾源縣爲州南北旣分恒嶽已不屬於中夏其祀於
曲陽也固宜

本朝中外一家順治十七年釐正祀典始建廟於嶽之北
恭逢

國慶皆

特命大臣祭於斯土城之南有廟則明萬曆四十一年知
州張述齡因祀事有缺而建之也額曰恒嶽行宮閱
今二百餘載雖經修葺而規制未宏前牧漢中嚴公
慶雲曾籌費議修值遷擢去余於乾隆甲辰春來莅
茲郡及今又十年磚瓦木石就殘缺棄廢爲以和

完而拓之諮於士民僉有是心遂捐貲爲之相殿宮
後有樓皆仍舊址新之東西添置翼室自正殿至山
門與門外之坊則增而高大之東偏爲八蜡祠並置
更衣所又於西偏建禪房始於仲夏成於季秋際白
金二千二百餘兩煌煌奕奕是可以妥恒嶽之神靈
矣或曰山之上旣立廟其下又爲行宮不多此一舉
乎余曰不然夫恒嶽之靈無乎不在也旣近在州境
與雲降雨其所以庇州民者獨多則民之祀也不容
或疎余曩爲華陰令嘗登西嶽矣高五千仞梯石挽
銜而上其巔大震撼廟皆鑄鐵爲瓦是豈可以數數
至乎故於北麓亦立廟自漢至今數千載無有異者
邇年

皇上特發帑金十二萬兩增飾舊規壯麗且勝於他處州
人祀恒嶽於行宮猶此意也豈得謂多乎况山之南
峪對州城而廟正當之是一州之保障也前之人非
無識也又豈可少乎則行宮之修非以廣神而實以
衛民也是爲記

增置恒麓書院經費記

乘毓美其

吾邑居恒山之麓雁門五臺峙其西桑乾天鎮直其北生此鄉者類皆敦厚樸誠具爲學之質魏晉以前經學之盛共推河朔豈不以質厚則思深思深則學粹不徒苟且塗澤以取悅於世歟然昔之人有聞今之人無聞非無其材也有其材而老成典型日以湮沒所以教之者非復魏晉以前之學業也然則欲使學者居今稽古自小成以迄大成非善教之不爲功州治東舊有恒麓書院日久頽廢不治

國初州牧龍君雲斐桂君敬順踵議修葺規模粗具而經費無措士子家各爲塾塾各爲教不獲舉率州相觀而善之益又無名師友提撕樂育於其間見聞日就舛陋是以登春秋榜者落落如晨星焉乾隆三十六年嚴刺史慶雲改舊院址爲義塾而別建書院於城東郭外廓其規制籌其度支聘其有文行者爲之師使邑之秀良以時肄業雖條約漸修而經費猶未裕也余少時嘗讀書於此弱冠後出爲吏者垂四十年其間以奉諱旋里廬居三年罕與閭里相款接服除又復馳驅仕途所至都邑未嘗不求實學勵人

材而獨不獲與鄉人士共講貫於書策琴瑟間良足
憾也道光十五年奉

命總督東河趙三年始得以俸入所餘寄干藉益諸生膏
火資並寓書州牧存諸案牘收十一息爲經久計夫
書院之設豈徒高國家之用名之所在卽實之歸也
教之所被卽學之成也我

朝聲教四訖漸仁而摩義者二百年於茲矣作人之化
豈靳於方隅士苟能卓然自立不以詞章曲學累其
心不以小就苟安固其志又安見古今人不相及耶
清明楊忠愍公貶狄道州驛丞狄道素無文士乃創
立書院爲之師以課之不數年而學校聿興士風丕
振登科第者踵相接也是僻壤窮鄉猶易爲教况吾
邑擁山河之勝承先哲之遺其生長於斯者又皆樸
厚敦誠具爲學之資磨礪而砥礪之造就又何可量
哉是爲記

常康侯公教澤碑

受業門
生拔貢 栗毓美

康侯常老夫子君子儒也生平讀聖賢書卽學聖賢
事久親炙者可知若不可知澤澤於

國初兵燹以後通制義者自先生之高祖歲貢啟明公始傳於子廩生景樂公孫歲貢直公遞傳於歲貢孫松公嗣是家學相承箕裘莫墜者自吾師勤學好問揣摩者久之於斯道愈有心得所由循循善誘引翼多方而茲土之文風視前爲盛焉且其意不重文先生幼而好禮坐立必端無戲言無戾色比長則心懷民物志切經綸其識量所周實洞悉帝升王降之故奈言志未逮遺憾九泉惜哉然而名世者勳猷傳世者教澤憶同堂講學先生詞色藹然而規法則嚴而正學者執經請業陳若神明雖有桀傲之人見先生幾無所措手足其著述則有學庸一貫論四書本義直解漢唐宋明四朝史畧言近而指遠詞簡而意該吾門久欲付梓先生曰不可是未足問世也然至今鈔習相沿亦幾家有藏本且夫古今來大器晚成而卒職任閒曹以致學術之淹沒而弗彰者曷可勝道吾師年逾強仕始售鄉闈後經大挑復列二等補右玉教諭越十餘年推陞蒲州府教授何因頓若斯與然雖未膺顯宦而文教廣焉兩都人士附驥尾而行

亦彰者甚夥而吾輩家居久睽道範鄙吝復生茲先
生如望歲焉適吾師致仕旋里年已八旬猶手不釋
卷凡我同人請謁之下輒與論列古今終日無倦意
嘗有言曰人皆云聖賢不可學而至誤矣余豈敢謂
能學聖賢哉但學得一二分亦不愧爲讀書人故其
禔躬也首重孝友而尤恐子孫未克力行之也爰名
其堂曰孝友堂信乎道學精微蓋耄而益進與維時
冢子山仲已貢成均次子山鳳已魁桂籍非吾師大
有功於名教胡能若此無如相聚四載溘然而終今
吾輩哭之痛追思不已而發之爲言長言之不已而
勒之於石非云足以彰德也亦聊誌銜感之情於弗
置云

常雲溪公教澤碑

受業門
生舉人王尊賢

周子曰師道立則善人多此就德行言之而文藝亦
與焉天下然一鄉一邑亦然吾郡

國初文運未開科名甚少康熙甲午白公始擢高科厥
後或十數年而始發一人或十數年而再發三三歲
乾隆丙午科吾康侯朱老師領鄉薦後遂有耿公

泉穆公松園耿公西泉張公鏡川張公楨良相繼而起文運似漸通矣。應戊寅己卯壬午通而復塞。吾師雲溪先生內承庭訓外延師友晝夜攻苦簡鍊揣摩。至道光乙酉遂中經魁辛丑始登黃甲前至辛卯後至己酉二十年内春闈獲售者二秋闈獲售者十副。貢一優貢二選拔貢生五出先生之門者十有三四。雖運會使然而吾師接引之力要居多焉。吾師自辛丑登第以知縣用籤掣江西先補餘干調署貴溪丙午辛亥兩次分房所薦多知名之士。揭曉後來謁問教者心悅誠服咸師事之。咸豐三年七月二十日先生捐館。州中聞之感傷甚眾。乃知吾師之德行亦人所佩服不獨文藝然也。五年六月初八日靈柩旋里。十二月初八日歸窆。吾徒弔送者相向而哭皆失聲。爾時卽欲刊石誌德。因門人散處四方未能殫舉。遂歲夏取議僉同爰爲勒石以誌不忘云。

捐輸賑濟碑

姚啟瑞

天地以生物爲心。第雨露之養有時。而雨露之養無時。成荒歉。庸司牧而籌補救。移粟勸分。固無時。濟先民。

尤賴民敦任恤之誼戶篤推解之仁庶軫念無及
與維持於不敝光緒丁丑雨澤愆期雁門以南災區
千里

朝廷既蠲租發粟

宮保爵憲曾大中丞仁政覃敷復檄各屬勸捐以充
賑需余奉文後旋集同僚暨紳董各富戶詳述省南
凋敝情形宣

上憲德意並以州境是年雖饒倖未致成災而糧價
騰貴亦須捐貲設廠救濟諸富戶等僉明大義踴躍
輸將陸續捐米共壹千貳百玖拾石有奇除撥解省
南賑米壹千玖拾柒石外城關粥廠計用米貳百石
而爲數尙遠不敷更奉准動用倉穀壹千伍百餘石
經費一切皆捐廉辦理至各鄉窮民赴廠領粥有老
弱不能悉赴者熒熒無告尤屬可矜復會商紳董勸
捐米壹百壹拾餘石換易高糧較米石稍贏據村分
給俾資接濟民困藉甦事畢諸紳董請曰此次捐輸
所濟尤廣慮善行日久泯沒藉爲美以彰義舉
查省連歲大歉前所未有願勸米賦人士慕善忘公

土室

關函

以勸

嚴公

公諸

庚午

知縣

端右

其拉

間經

紳已

間學

焉甘

作山

莊劍

係

陸

練

於渾民此其最焉者也州中所解右衛等處營兵米
豆向係民間自行運送及抵營藉口米豆漸絀向民
需索民甚苦之公請改徵折色各就本處採買兵民
稱便尤以渾地磽瘠慮歲荒無備於沔縣捐購圓形
山藥教民沙地試種頗得利乾隆五十二年歲不登
惟山藥大熟民資濟饑因復廣爲布種至道光壬辰
丙申兩次旱災小民藉山藥存活不可數計州城西
偏木市一帶地勢卑溼不宜黍穀收成幾不敷納賦
因教民掘井種菘蔬等物民獲大利轉相仿效愷悌
之歌至今弗衰先農社稷壇舊址頽傾屬壇風雨等
祀向係搭棚設祭公捐大錢一千繕建修四壇並
建廟以藏主每壇垣內外廣樹松柏迄今父老憇息
其下猶切甘棠之愛乾隆四十年夏季蝗久境好坊
並生稼多損公晝則督民捕蝗夜齋宿醒醒爲民祈
禱一夕好蝗盡滅皆公至誠感神故也茲在任未幾
載清廉自矢力絕請餽所需什物皆出私資轉運
奉票遺不准私至鄉村訟者素服公明請案者速
無留廢陞刑部員外郎國籍自隨行李蕭然無家

府知府經督臣李公奏調平涼府在任數月守正不阿卽解組歸里不以升沉介意居黃沙鎮藉筆耕餬口而越尙磊落不羈嘉慶三年土寇犯漢甘相戒不入公里鄉閭賴保全公捐館後渾士民婦孺聞者無不太息流涕道光二十四年州紳耆等請崇祀名宦奉准入祠士民猶以未足報功德萬一因豎德政碑於州城東門外之通衢又於書院設主隨時致祭公之德政感人若此爰考其實而爲之紀

王公德政記

李戴恩

公諱格正字任夫號密峯河南開封府密縣人嘉慶丙子舉人道光元年舉孝廉方正丙戌會試大挑一等以知縣用分發山西辛卯署渾源州知州公持躬端慎吏治勤明甫下車卽嚴諭家丁毋擅出入宅門書役壓擱詞訟立加懲究州屬各行陋規雖向所有概卻不受士民悅服渾郡舊有恒麓書院公仿紫陽白鹿遺規俾肄業者遵守成法不時策勵晝日端壬辰秋州境有霜災大同禁糶糧阻不行渾郡地處沙漠卽家稱殷實亦鮮蓋蒞公議捐穀法數多者酌

借倉穀俟豐稔還倉更煮粥於東關設男女廠各一
收養貧民造冊發牌分極貧次貧按四鄉輪散米粟
擇老成紳耆經理不假吏胥手故吏無侵瀆民沾實
惠所活民命不下數萬人癸巳秋將去任復捐錢爲
孤貧衣食資迨捐館後州人聞之皆爲悼嘆咸豐七
年州中紳耆等請祀名宦奉

旨入祠享祀

重修節孝祠碑記

李戴恩

渾源恒嶽鍾靈神溪毓秀其間磊落奇偉之士以忠
孝節義著者動在州乘代不乏人卽婦人女子清風
勁節足播名教者州乘所載亦昭昭可考乃自乾隆
迄今婦女之以節孝舉者或十年一見或數十年一
見豈風俗有所移易歟蓋以申報節孝單寒之族慮
需貲費致阻不前後亭孔老父台來蒞斯郡下車伊
始重諭以採訪節孝申請旌表禁毋索費時乘僻渾
郡者定襄梁泗心陽曲劉甲三兩先生以爲節孝一
事風化攸關如必覓數斛米始申芳躅是不惟不
而又抑之何以仰副

聖天子激勵貞烈之深心乎除經費不受更諭州人士隨
鄉採擇閱年餘得貞節婦女四百一十七名旋具詳
請戊辰蒙准建坊入祠州西門內數武舊有節孝祠
殘缺幾廢是年鳩工庀材重加整飭不數月而工竣
噫嘻維風勵俗其在是歟因思淒涼織室寥落霜閨
其得申苦節而血食於斯者伊誰之力耶孔老父台
名廣培浙江蕭山人治渾善政綦多此其一也茲因
刻石爰紀事之始末並捐貲姓氏用列碑陰以垂永
久

金魚池記

李戴恩

渾源州治東北舊有池其東池闊可二十餘畝西亦
如之木波繳澁荇藻交橫金魚出焉故池以金魚得
名乾隆五十年間州主黃公因植楊柳栽以白石爲
建閣亭於池上詩人騷客多題詠其間嘉慶六年夏
雨連綿山溜突城中亭閣淹沒僅存古柳數株州人
每過而惜之光緒戊寅之秋子祥吳父自莊殊源郡
嘗於聽政之暇履其地觀之以風景爲奇勝遂置池
有坊額曰玉虛其止南北極開新觀瀾波高麗

攝衣而上門深若古洞臨巔則雙眸遠豁而植巖巖
其南神渙繞其北俯視池水波平如鏡魚鱗在波
歷歷可數恒之翠屏丹嶂諸峯尤倒影池中南則釋
迦寶塔高凌霄漢亦與池水相映有天外飛來之致
公於是捐貲爲補葺計邀紳董督其役恩亦竊與鳩
工之列新栽柳二百八十餘株建木石橋各一費皆
公籌閱三月功藏民不病涉邑人士咸嘖嘖稱快謂
公是舉爲吾郡增雅觀焉公益錫四景嘉名曰恒峯
倒影曰虹橋臥波曰金魚躍浪曰綠柳環池恩不敏
奉命爲文謹以公所云者去鋪張務紀實因以當此
後去思云爾

創立恒麓文社敬惜字紙捐送鄉會試卷碑誌

黃文怡

士民而惜字紙鄉會而送試卷此里黨所建爲美談
亦遠邇所稱爲盛事者也然必有倡於始者而事乃
興必有圖其成者而功方就蓋同心貴有同德善作
尤在善成惟然而我郡尊與我學師其功有賴焉
彰者甲三劉君夫子秉鐸吾郡於今四載矣

學校教育人材爲己任又慨然捐俸大興其於

文治

等設立敬惜字紙文社並將諸生區區

捐貲買回各爲散給因欲於春闈更備卷費

文治等

爰集同人共成善舉就現所輯數爲收惜字紙之用

第規模雖立而經費尙虧至於捐送試卷竊有志而

猶未逮時篠亭孔老父台來蒞茲土詢知費缺爲捐

大錢五十千益勸助輸積兩稔而事告成計裒匯

大錢八百餘千除創建字爐與採收字紙器用外以

其餘交恒麓書院紳董籌息爲經久計於戲莫爲之

前雖美弗彰莫爲之後雖盛弗傳自今以往不特字

紙之收惜有資卽兩闈試卷咸足措備豈非渾郡向

所未有於今創有之盛事哉爰勒碑銘以垂不朽是

爲誌

寶齋王老夫子教澤碑誌

程 績

聞之先王之制有三師道與君父並重君子之教者

五德澤則雨露均沾哲人已往誰無泰山梁木之悲

遺訓難忘共切飲水思源之志先生諱尊賢寄清溪

號寶齋家貧力學遊庠後卽以課讀膺西席小子後

生考德問業所在莘莘焉於道光辛卯

恩科得領鄉薦四方負笈者日益眾先生每講學論文口
授指畫昕夕無倦容以故擢高科者五入選拔者八
列副榜者二登明經者十食廩餼遊泮宮者百有餘
人卽未獲售者亦不失爲端士皆先生之身教而兼
善誘有以陶成之也後大挑二等選授平陸縣訓導
而於平邑亦造就多人所謂師道立則善人多者夫
豈拘一方也哉咸豐乙卯冬因親老告養吾黨同切
景慕方謂歌詩奏雅再登首善之堂載酒從游重問
元亨之字夫何虞淵景迫啟足旋傷瞻望董帷心喪
何極嗚呼死者不可復生悵斗山之安仰今也恨不
如昨樂杖屨之相依爰勒貞珉以誌德教

見三蘭老夫子教澤碑誌

李增祥

先生桓之宿儒也生而純篤髫髻好學無文不綜年
未冠補弟子員同學角藝推爲祭酒果舉中咸豐辛
酉鄉試澹於榮利隱居教授問業者逾二百人獎勵
有方造就甚眾武川南北稱經師必同聲白蘭先生
云先生虛已授人不立崖岸仁義成於躬修孝弟根

其本性敦篤之化翕然並興鄉居雖隘夫檢人無不
熱伏有彥方之行通德之風焉春秋六十有四不幸
遭疾捐舍嗚呼哲人忽逝方哭寢之同哀師道未墮
庶聞風之永慕昔者仲淹退隱講道河汾二百年後
猶有皮子日林想像封隧遙撰碑銘以志向往矧其
近在桑梓而親侍杖履者乎門下弟子乃共刊石紀
文追頌盛德詞曰大茂維尊橫絕天外鬱鬱蔥蔥鍾
靈雲代夫子作哲輝映西巖一經世德八桂齊檐彪
蒙之吉弁冕莘莘從容待叩各授咫尺聞陔北文獻
吾州近古雷劉而後衣冠接武或仕或隱立教匪殊眷
言桑梓羣奉楷模道貌云達元氣不死剗辭嶽麓巍
巍並峙

澤州續志卷十

藝文

下

附

恒山續志

澤源州續志

晉書曰：趙盾諫，君澤源州知州。豫章賀澍思纂修。

藝文下

題碧舫搗峯覽勝圖

三十六峯絳雲起，穹窿去天不盈咫。巖岫特峙天地

中，四達茫茫各萬里。太室少室山峯連，芝泥玉檢交

祝，天際華寺後景尤麗。

康熙乾隆時
廣運隆幸

至今獲麟

仙河沐鍾靈，氣麗古歷代。帝傳降申甫，靈臺

登臨怡把酒，巖在蔚蔚。漢書文獻以

同一真原本羣經削屐說樹骨一如山嶠峭巖巖
筆勇無匹天馬行空怒鵬出登峯下視羣峯低峻壑
亦如山崩劣持衡校藝輝巽宮河山秀類歸陶鎔塵
右銘成示多士按部不愧行高嵩卅年我傍嵩陽仕
講舍研經析名理余宦跡所至亦頗樂於課士任開封時建彝山書院并重葺游梁瀆
正兩書院爲士子肄業之地刊呂子遺書以示諸生三千奇彥集君門中有吾
家舊桃李輸君遊覽逸興增妙墨况兼貽百朋名嶽
有緣許登陟山川攬勝圖行勝

寄吳玉松太守

憶自束髮走四方當時結交皆老蒼辭華氣誼各爭
尙學分文質行狷狂吾儕季子尤驚眾彩筆生芒屨
紫鳳先生早年冠羣才礪礪先得勤磨礪年來小鳳
振修翎日下相逢贊承明世論真長多理學我言叔
寶是神清宦海升沉偶相值吾儕瑰琦終難抑風雨
請業記圯橋勳名共建千秋業窮經致用如反手富
貴何須君先有會見策命稱羣賢我是祖生欲執鞭
疊張曉峯方伯原韻

新詩藹月復裁雲歲盡燈闌賞共欣卅九餘年樂漸

老二三知己快逢君痼疾久抱仁人願推解會教
將動十樣鸞箋兄製就鳳樓五色讓平分

播州父老樂攀緣麥穗桑枝似去年舊政喜君重補
救名纏愧我任拘牽相如病己才尤捷

曉峯多病太白神

來句欲仙難得詩人作循吏瘡痍一洗萬家痊

黔垣樂歲與民同喜迓旌旗駐玉驄階下芝蘭承雨
露門前桃李化春風追隨婦孺看司馬歌詠昇平屬
放翁回憶昔年探虎穴虹蜺氣吐萬夫雄

戀闕迢遙萬里難家書有雁寄平安每思伯仲壘篋
和莫負朝廷耳目官晚節漫將先哲讓名心偏到暮
年寬詩人若許論聲價且作真儒一例看

劫灰掃盡夢匆匆笑啖黔南橘柚紅帷幄有人匡漢
室尊籩容我憶秋風兩階起舞苗蠻格六佾增修禮

樂崇

黔中於甲戌春上丁擬備六佾樂章

同濟蒼生屬公輩可能革薄

復從忠

山肴略許勸加餐舊榻依依枕自安古貌於今同爾

少交情似此率真難梅清只耐冰爲骨樗朽休言鐵

作肝百琲明珠慙報謝瑤琴三疊譜幽蘭

再歷下偶談續編有載公遺詩二首其一石榴花云
時皆紅照眼茲獨異羣倫不作朝霞豔若爭高士骨
拂階霜氣韻搖夜月精神還似空門叟白頭離絳塵
山村聽夜泉云孤邨接翠微夜靜發清機落葉穿岩
竇沉鐘寫月輝幽疑兼鶴唳急若帶雲飛不覺坐來
久松風寒襲衣外有賦蓑衣一聯云蒹葭影裏和烟
臥菴菴香中帶雨披亦續編所載先後稱公爲山西
名下士知公詩傳播者多情一時未能裒輯先附誌
於此

次和唐義渠觀察平寇武當山後登金頂放歌光緒

卽以題圖

栗 耀

匹馬橫戈萬山立四面峯巒爭拱揖非關覽勝窮攀
躋掌握奇兵運機密武當峻絕千餘丈仄徑巉巖不
可上中有跳梁鼠窟屈自謂負嵎虎不讓唐君百戰
餘威逞拔薶先登近絕頂雲梯隊隊銜尾隨懸空石
下寒能忍白日慘淡層陰翳天遣鴉軍殺賊來駭歎
驚禽遁無路長槍齊掛頭願回入穴得子請乘驢
出入謀半神佑舞香塵結金頂雲荒鐘聲震嶺南

磨嵬十丈天門東永與茲頂峙霄穹狂歌大笑南山
走雲煙往來盡心胸舒難窮谷救赤子羅拜男婦雜
兄弟古稱渤海平寇多循良之績類如此君時權襄陽府篆
凱旋一路驄馬鳴急寫奇功壯此行披圖如見飛將
軍天險說來聽猶驚

早自下盤驛登恒山

孫善守

山村無暮柝鷄鳴辨昏曉披衣啟戶窺月影山頭小
整裝偕伴行一路聞啼鳥松徑溼芒屨露珠滴樹杪
磴險防苔滑崖傾賴藤繞躋攀力久疲瞻顛心每掉
旭景明峯巔初升色倍皎層巒射炯光樓觀看了了
寺畔非雲霧一炷衝林表山僧供早餐曲突烟飄渺
訪翠屏書院故蹟

渾郡近邊塞科目邈難數歷代經戎馬播遷幾宿莽
淑氣鍾蘇劉二子抗希古讀書窮津涘氣挾長虹吐
學舍開翠屏結茅鄰梵宇琢磨麗澤滋枕藉積攻苦
燕臺方市駿二妙羅天府遇符石投水占協風從虎
劉也魁多士蘇亦位台輔我來尋舊蹟攀躋勞步武
鳥道入雲中險擬升天姥誓歎不可接群羣巖壑

澤州志 卷十
柴門半欹斜數椽聊撐拄徘徊花亂飛惆悵日亭午
似聞絃誦聲依稀在堂廡

恒山雨後觀雲松掩映

鳥啼山木暗風靜懸流響四山盡雲蒸舉足迷所往
譬如洪濛初未分形與象氤氳苦終朝何時一排蕩
徐徐來緒風半嶺露青松松枝紛偃蹇驚是雲中龍
巖巖未全覩已被層雲封轉瞬雲若失羣松排空出
古幹聳杈枒虬枝盤鬱律忽焉煙霏合峯裏兜羅密
豐隆神變幻舒卷一何疾自午朔颯寒豁然天地寬
崖壑分明見樓臺仔細看出岫初何盛還山杳無端
依然青松在幽興縱憑觀

遊恒山

明晦山雲變終朝若古今早行穿峽雨午飯就松陰
日蔽鳴盤嶺風生鶴舞林停杯閒賞玩前壑月斜臨
登岳頂

盤經百轉勢難躋一綫凌空尙有梯緩步直緣青壁

上置身真與白雲齊三邊巒繞翻瀉水流道轉奔風

月峽插巖呼朋看不厭浮圖標妙夕陽西

虎風口

噫氣一何雄嚴巖束峽中長來狂似虎不但詭春風

恒松

壓雪擎雲傍碧空千年古幹鬱恒峯盤根應有雲苓

結不見仙人採藥蹤

贈孫擴齋表伯二律

張觀準

家學淵源老宿儒峻崢嶸風骨仰清臞關情花鳥都成

詠繞膝芝蘭亦自娛著作寬閒綿歲月稜苓咀嚼伴

經腴精神怡養猶稱健把酒登高使插萸時值重陽前三日

夢椽老屋愛吾廬不染塵囂意灑如玉柱誇獨

步芸編誦讀樂三餘閒時座對譚經叟忙煞門停問

字車惟有寒梅堪比擬牕前清影共蕭疏

九日偕同人登北極閣次韻

張吉元

今朝同泛紫萸觴勝境偏添桂興長健步登樓攜七

友小車載酒作重陽恒山遠送深秋色傑閣高分曉

照光燈下歸來兒女笑帽邊替得菊花黃

其二

北閣巍巍接上方升樓更覺勢軒昂山橫郭外經秋

瘦水積城隅傍晚涼得雨非松猶在野如雲禾稼已
登場豐年上下應同樂況是重陽介壽觴

弔馮太僕仰山殉難中州

不共餘臬戴此天維公志節石金堅熊羆未足三千

士公祇帶鄉勇

狐兔頻驅四五年

咸豐三年至八年
殲除捻匪甚多

宗澤有心撐半壁雖陽銜恨赴重泉裹尸馬革平生
願何惜頭顱樹上懸

己卯臘月廿三日迎春

旌旂簇擁出城闌盛服如將接大賓東去西迴喧鼓
吹己卯正月立春一年兩度拜芒神中宵祀竈民風古指日

開田野意新有腳陽春今又到麟書紀歲是庚辰

金魚池歌有序

田延年

州治之東北舊有金魚池前州牧吳公稍加修治
客有以恒峯倒影虹橋卧波金魚躍浪綠柳環池
索子爲詩者予謂此小景耳分咏則滯合咏則盡
因做張若虛春江花月夜體以應之

君不見恒陰城內池凝練躍浪游魚看不足柳色蒼
如三月三橋身橫在曲江曲池外橋通北極高文

細柳蕩和風恒峯黛染生綃畫水面橋浮不舞紅
峯映水非同地遠隔層城疑倒墜山色新拖水正藍
水紋亂灑山腰翠藍翠還侵環翠樓水波山色兩悠
悠池旁綠柳波心映橋下金魚水面浮柳綠漾蕩鶯
魚誤橋影猶疑施網路一聲潑刺水花開又向峯頭
深處度峯頭雖在水中央不礙游魚水底藏橋上看
山翻俯視柳邊垂釣互相望橋頭得魚復沽酒何以
貫之楊與柳日斜風定賣魚時無數王孫亂招手橋
頭柳下興雖豪前輩登臨共幾遭獨有恒峯流不去
不棲子晉待琴高

羅漢洞

恒山逶迤拖沙麓達摩何年來此面壁留石屋前有
蛟龍蜿蜒之澄潭後有精魅潛藏之深谷畧無寸土
虎口張天造奇觀駭人目回首問徒眾云是羅漢洞
祇園弟子十八尊身盡金剛質龍鳳洞內時驚鐘乳
垂洞門偶聽幽禽哢惜無鷄犬共桑麻不與武陵桃
源相伯仲我聞靈峯古寺隱雲煙羅漢洞通一竅
佛掌擎持蓮瓣裂得母於此差齊肩又聞蓮公買

會收穀眼前紅杏垂垂熟失手何人敢正冠時
虎將人逐轉盼羣峯已薄暮蒼然四合屯煙霧歸
緩轡任徐行惟恐忘卻來時路君不見神清之洞著
薛書歐九重行賦子虛又不見劉阮天台曾爲客及
再來時已陳迹世間奇景再難逢况屬洞天福地神
仙宅

李克用題名碑歌

有序

曲陽縣舊有李克用題名一百二十六字

本朝朱竹垞跋之其文具載恒山志中吟窗無事信手
繙閱嘆英雄之難測知舊史之有訛因卽其意而
作歌以賦之

唐室陵夷不可救獨眼龍與蝦蟆闕滑陽三捷孰能
當幽鎮無乃區區寇遙想當年意氣間五十萬眾救
中山師歸取便飛狐道兵出應遮倒馬關盧龍節度
李可舉結約王鎔爲黨與共滅司空王處存無奈河
東獨不許史稱遣將且無多更失幽州請議和碑文
較史殊爲確始信金石文章歷劫悠久最難磨吁嗟
乎劫天子奪天子五代紛紛遂如此中和五年親戴

筆卻光啟元年二月二十有二日

登懸空寺

我聞恒山之高三千九百丈七尺太古茫茫空翠積
伊誰作寺號懸空半插晴空半石壁適來剛值五月
初細雨清風策蹇驢傑閣似從彈指現仙人祇是好
樓居摳衣直上攬雲亂茲遊奇絕平生冠斯時步步
覺登高回首方知在霄漢南北危樓排雁翅驚心駭
目逞奇異側身東望似升天瞥眼回看真無地透池
折北勢愈陡竟把全身納虎口眼方東注路忽西身
欲左旋足先右從茲以往疑無路板作飛橋終得度
千百曲折蟻穿珠三五迴環虵繞樹幸聞人語隔壁
響待之不來將焉往誰知覲面不相逢翻身又向他
途上窮高尙有飛仙閣我欲從之足力弱區區性命
等鴻毛再陟惟憂失足落吁嗟乎重來遊賞莫辭頻
寺號懸空尙逼真君不見三山樓閣無不備欲登風
輒引之去

磁峽烟雨

峽口嵯峨勢欲吞嵐光雨氣近黃昏烏銜烟起驚人

語僧共雲歸鎖寺門太白荒祠開畫燈懸空斷續長
苔痕迷離景物看無極誰辨泉流窟與渾

登懸空寺

天
雄劉遵憲

誰開石壁禮金仙縹緲層樓結構難清梵漫疑雲外
度香臺眞向霧中看山連大岳千秋壯客到孤峯五
月寒爲問遠師沽酒未好邀明月共盤桓

寺下清泉不住流寺前蒼靄幾時收白雲轉向琳宮
下淨土翻從碧落遊十載虛名蕉鹿夢三秋塞事廣
陵舟偷閑正欲逢僧話只恐禪房少惠休

鎌刀篇

爲吳烈婦作

胡枚

彎彎者鎌刀白刃何光芒妾本農家女操割以爲常
良人天不弔妾甘年少孀家門但壁立熒熒守空房
阿爺傷女貧飢寒孰料量改志迫再四擇期催新妝
新妝亦不難擇期何乃忙父命諒難卻郎恩不可忘
蒙我來時鞦著我嫁時裳彎彎者鎌刀生死妾相將
妾軀原草芥請效刀銛銛吁嗟鐵孰堅堅可彎作刀
志堅不可回一命輕鴻毛阿爺鍾女愛毋以女悲
留得刀頭血與爺常相見

捐修續志紳士芳名

依補遺
以補遺
中張觀

捐銀壹百兩

正晉程兆椿

捐銀捌拾兩

注李富春

捐銀伍拾兩

孝廉常清萊

捐銀伍拾兩

張殿元

捐銀伍拾兩

總干高鸞

捐銀伍拾兩

監生薛俊

捐銀肆拾兩

同知李琳

捐銀肆拾兩

州李映年

捐銀肆拾兩

中書白萃陽

捐銀肆拾兩

同楊永旺

捐銀肆拾兩

從九品張維德

捐銀肆拾兩

孔熊國富

捐銀叁拾兩

經歷程家麟

捐銀叁拾兩

從九品陳恕

捐銀叁拾兩

文舉榮文章

捐銀叁拾兩

原州貢

捐銀叁拾兩

榮文章

捐銀叁拾兩

那九如 捐銀貳拾伍兩

張存盛 捐銀貳拾兩

王綱 捐銀拾柒兩

劉際明 捐銀拾伍兩

彭、洳 捐銀拾伍兩

白崇山 捐銀拾伍兩

李鳳舞 捐銀拾伍兩

楊茂林 捐銀拾兩

呂國祥 捐銀拾兩

王子奇 捐銀拾兩

劉懷智 捐銀拾兩

陳玉如 捐銀拾兩

耿輯五 捐銀捌兩

張吉祥 捐銀捌兩

陳章 捐銀陸兩

栗嵩 捐銀陸兩

郭秀 捐銀陸兩

崔茂 捐銀貳拾兩

田鶴年 捐銀貳拾兩

張文郁 捐銀拾伍兩

田承澤 捐銀拾伍兩

許棠 捐銀拾伍兩

顧天縱 捐銀拾伍兩

栗國賢 捐銀拾伍兩

程東陽 捐銀拾兩

熊六成 捐銀拾兩

師道成 捐銀拾兩

李茂勳 捐銀拾兩

榮文盛 捐銀拾兩

李沛 捐銀捌兩

榮步蟾 捐銀柒兩

白桂元 捐銀陸兩

栗國樞 捐銀陸兩

牛振南 捐銀陸兩

栗嶽 捐銀陸兩

增姚松年 捐銀伍兩

高步鼈 捐銀伍兩

文穆維岐 捐銀伍兩

備守段大孝 捐銀伍兩

舉溫國珍 捐銀伍兩

文梁蓬山 捐銀伍兩

天溫子儀 捐銀伍兩

貢武作肅 捐銀伍兩

廩生溫登傑 捐銀伍兩

從品張兆崧 捐銀伍兩

黃承堂 捐銀伍兩

從品吳璋 捐銀伍兩

王永清 捐銀伍兩

從品葛如藻 捐銀伍兩

監生張秉鈞 捐銀伍兩

監生耿啟明 捐銀伍兩

貢陳玉壽 捐銀伍兩

貢孟承泰 捐銀伍兩

九品孟耀孔 捐銀伍兩

孟耀先 捐銀伍兩

孟曉斌 捐銀伍兩

巡檢張九韶 捐銀伍兩

李盛春 捐銀伍兩

同州街左向南 捐銀伍兩

李壽春 捐銀伍兩

從品陳玉齡 捐銀伍兩

從品馮興邦 捐銀伍兩

岸生麻毓川 捐銀伍兩

大賓趙世俊 捐銀伍兩

監生趙國璽 捐銀伍兩

從品穆大勇 捐銀伍兩

知縣侯長齡 捐銀叁拾兩

24742

S

5

江州縣志

卷


三































(光緒) 渾源州續志十卷

(清) 賀澍恩修程績纂

清光緒七年(1881)刻本

六冊

原件收藏

山西省图书馆

原件书号

24737-42

原件状况

原件有部分字迹模糊

原件个别地方破损

本部书共摄制 1 卷

版权所有 不准复印

本部书完

本片卷含 卷一至卷十